



Zur Publikation im Amtsblatt Mittelbünden (Pagina und Novitats) vom  
Donnerstag, 4. Mai 2017, bzw. Freitag, 5. Mai 2017

---

## **Publicaziun uffiziala digl cumegn Albula/Alvra**

### **ALBULA/ALVRA**

[www.albula-alvra.ch](http://www.albula-alvra.ch)

Infurmaziuns dalla suprastanza communal digl cumegn Albula/Alvra:

#### **mars / avregl 2017**

- La suprastanza communal è examinada e lubia diversas dumondas da biagier.
- Sa basond alla directiva digl uffezi per igl svilup da spazi digls 18 da schaner 2017 davart la planisaziun digitala per igl adiever communal, è la suprastanza eligida igl biro da planisaziun Stauffer % Studach da Coira scu post d'administraziun dallas datas e surdo a tal igls pensums pertutgont igl effectiv da datas cun vigour legala dalla planisaziun d'adiever.
- La suprastanza communal è examinada ed approva igl rapport annual 2016 digl register funsil Albula. Las antradas da taxas pigl cumegn Albula/Alvra monta pigl onn scadut 109'481.55 CHF, la taglia sen midada da mang 254'546.80 CHF.
- An connex cun la revisiun parziala dalla lescha davart la promoziun dalla tgira da malsangs e dalla tgira da persungas malsangas e cun basigns da tgira, è la suprastanza communal approva ena posiziun e l'inoltrada agl departamaint da gisteia, siertad e sanadad.
- Per igl acquist d'ena maschina per saer scarpas previa per igl 2017, (preventiv 37'300.00 CHF) è nia delibero en credit da 35'000.00 CHF.
- La suprastanza communal è decidida, sen basa dallas relaziuns dall'ora e dallas veias, da dissolver igl scumond da carar d'anviern sen las veias dallas aclas, veias da fons e sendas.
- Aint igl rom dalla dissoluziun digl passadi da veiadafier, km 58.792, Sareuns Pro Quarta, Surava, è la suprastanza communal sottascritta ena cunvignientscha davart la «cessiun da taragn e mantignamaint dalla veia». La veiadafier retica fà ena nova veia e surlascha tala gratuitamaintg inclus igl taragn agl cumegn scu proprietad e mantignamaint.

- La suprastanza communal è neida infurmada digl uffezi da gôt e prievels dalla nateira e digl uffezi per igl svilup da spazi davart igl giudicat da prievèl digl territori da bovas a Brienz/Brinzauls e dallas maseiras planisadas arisguard la perscrutaziun digl muteiv dalla bova. A caschung d'ena occurrenza d'infurmaziun a Brienz/Brinzauls duess la populaziun neir infurmada dallas pi novas ancunaschiensas.
- Igl biro da planisaziun Stauffer & Studach, Coira, è nia incumbenzo da definire ainten la planisaziun locala igls bietgs pregnant per igl maletg digl li agl senn digl art. 9 dalla lescha da sagondas abitaziuns (LSA). Per l'execuziun da chellas lavours è nia approvo en credit an import da 25'000.00 CHF.
- An connex cun la sanaziun dalla Voia Viglia digl Bogn ad Alvagni vischnanca ò la suprastanza communal surdo las lavours da construcziun bassa e da cuvreida.
- Per igl acquist d'en generatour da diesel, tgi duess sierar igl menaschi dall'Alp Ozur, è nia approvo en credit da 11'300.00 CHF.

#### Infurmaziuns dalla radunanza communal digls 21 d'avregl 2017

- Votantas e votants on approvo en credit brut da 2'100'000.00 CHF per biagier or l'equipaziun da gôt Sulom–Lueras ad Alvaschagn. Las contribuziuns da confederaziun e cantun ve digls costs forestals rancunaschias montan prevediblamaintg 71%. An connex cun la fusiun da cumegn ò la regenza rancunaschia la veia da gôt dessigneida scu ovra singula e siero ena contribuziun d'ovra pauschala ve digls costs restonts imputabels an import da 315'000.00 CHF. La part digl cumegn Albula/Alvra monta ca. 775'000.00 CHF.
- La lescha dallas tariffas generalas e la lescha da pulizeia digl cumegn Albula/Alvra èn neidas approvadas. Chellas leschas èn sottamessas agl referendum facultativ. La suprastanza communal fixescha igl termin dalla antrada an vigour dallas leschas.
- Votantas e votants èn nias orientos davart igls muteivs dall'adattaziun digl project «Sanaziun Voia Viglia digl Bogn, Alvagni vischnanca». La truasch da vischnanca existenta vign betg spustada resp. allontanada aint igl rom dalla sanaziun dalla veia.

La suprastanza communal